



Synfocity = 465

mail us at : mzsynfo@gmail.com; mizoramsynod@gmail.com - Phone - 2314648

21st November, 2013

□ **MKHC General Meeting**

November 15 Khan Synod Conference Centre-a Pi Zaii Hall-ah Mizoram Kohhran Hruaitute Committee General Meeting wawi 24-na neih a ni. Meeting hi Rev. Lalramliana Pachuau, MKHC Chairman-in a kaihrui a, Rev. V.L. Dika Sailovin hunserh hmangin Secretary reports ngaihthlak a ni.

MKHC General Meeting hian thu ngaihtuah paruk a nei a, chungte chu- Wesleyan Methodist Kohhranin MKHC member nih an dilna, Aizawl khawpui chungga Convention Centre lian din tura sawrkar ngen, MLA thlan tharte MKHC hminga kawm, MKHC Constitution ennawn, Ruihtheih thil dona lama hma lak leh kum 2014-15 chhunga hruaitu thar turte pawmna te an ni.

Kum 2014-15 chhunga hruaitu turte chu - Chairman atan Rev. Lalhmuchhuaka, Synod Moderator; Vice Chairman pahnih Rev. Dr. V. Laldingliana, Executive Secretary, BCM leh Rev. H. Manga Khongsai, Regional Secretary, EFCI; Secretary atan Rev. R. Lalrinsanga, General Secretary, UPC (NEI); Joint Secretary pahnih Upa Lalnilawma Colney, Executive Secretary, SDA leh Pu B. Thangtinliana, Catholic; Treasurer atan Lt. Col. Lalbulliana, Secretary for Personnel Adm, SA; Finance Secretary atan Rev. P. Riabi, Administrative Secretary, ECM te an ni a, heng bakah hian Committee member atan Kohhran Pawl hrang hrang 14 atanga aiawh ruat mi pathum theuh leh MKHC Executive Committee-in a ruat mi pahnih Rev. Lalramliana Pachuau leh Rev. J.C. Vanlalluaia te an ni.

□ **Intensive Residential Pastoral Care & Counselling Training wawi 23-na**

Family Guidance & Counselling Centre (FG&CC) chuan November 13 (Nilaini) atang Khan Pastor-te puala Intensive Residential Pastoral Care & Counselling Training wawi 23-na, Synod Conference Centre-ah a buatsaih a, he training-ah hian kum 2011-a nemngheh Pastor 14 an tel a, Resource person te chu - Rev. R. Lalhmingthanga, Rev. C. Rosiama, Rev. Lalrinmawia, Rev. J. Vanlalhnuna, Rev. Zothansanga, Dr. Ruth Lalmuanpui te an ni.

November 24 (Pathianni) tlai dar 5:30 hian Synod Conference Centre-ah training kharna neih a ni dawn a, Rev. R. Lalhmingthanga Director, FG&CC in programme a kaihrui ang a, Rev. Lalrinmawia, Teaching staff-in Inlawmna leh lawmthu sawina hun a hmang ang. Rev. J. Vanlalhnuna, Teaching Staff-in evaluation hun a hmang ang a, Rev. PC Pachhunga, Executive Secretary in Certificate a sem ang a, thuchah a sawi nghal ang. Trainee aiawhin Rev. K. Lalarzovan thu a sawi ang a, Mizoram Synod Choir te an zai baw ang.

□ **Volunteer Training**

Vawiin (Nov. 21) hian Synod Hospital, Durtlangah Community Based Rehabilitation Project atana inbuatsaihna, Volunteers Training neih a ni a, he programme hian naktuk (Nov. 22) thleng a awng. Tun tumah hian Aibawk RD Block leh Reiek RD Block huamchung atangin volunteers mi 23 an lo kal thei a ni.

Community Based Rehabilitation Project hi Synod Hospital leh Christoffel Blind Mission (CBM) tangkawpin an buatsaih tur a ni a, he programme hian pianphunga rualbanlo - mit, beng, hnar leh kutke lama harsatna neite a huam a ni.

□ **ATC Day 2013**

Naktuk (Nov. 22) hian Aizawl Theological College Centenary Building Quadrangle-ah Aizawl Theological College Day an hmang ang. Programme hi Rev. Lalramliana Pachuau, Synod Moderator-in a kaihrui ang a, College Day Speaker atan Rt. Rev. Dr. Nelson Lakra, Moderator – Gossner Evangelical Lutheran Church, Assam & Jharkhand, Chairperson – Commission on Tribal and Adivasi, NCCI an hmang ang. Programme kimchang pheh lehlamah tarlan a ni.

□ **Zaipawl intihsiak**

Hruaina Eng chuan kum 2014 kum bul lamah khian Presbyterian Kohhran Pathianni Chawhnu Inkhawm pualin Aizawl khawpui chungga Zaipawl Intihsiak a buatsaih dawn a, lawmman tha tak siam a ni ang. Tel tumte chuan December 20, 2013 aia tlai lovah Synod Office-a SYNFO Department-ah hming pek tur a ni. Programme leh a kalphung chipchiar chu hriattirna rawn tih chhuah leh a ni ang.

□ **MSSU**

♦ Naupang Pual Carol Service Programme, Sunday School Exam Question, 2014 Naupang Sunday School Syllabus leh kum 2013-2014 VBS Kaihruiaina peih fel a ni tawh a, Bial Sunday School Secretary ten MSSU Office-ah a thlawnin lam theih a ni.

♦ November 15-19 Khan Rev. Samson Peters, Secretary for North & NE India, India Sunday School Union (ISSU) chuan Aizawl a rawn tlawh a, MSSU Department ten lo dawngsawngin Synod hmun pawimawh hrang hrang leh Kohhran thenkhat tlawhpui a ni a, MSSU hotute nen inkawmna hun an nei baw.

□ **Kohhran Hmeichhia**

November 19 - 22 hian PCI Theological Education Committee leh PWF Committee, Shillong neih mek a ni a, heta tel tur hian Pi H. Lalpianthangi, Gen. Secretary; Pi C. Lalneihthangi, Treasurer; Pi Laltnamawii Ex-Chairman leh Pi K. Lalliantluangi, PWF Chairman te an kal.

□ **Campus Ministry**

November 19 - 22 chhung hian Govt. Zotlang Middle School-ah Gospel Retreat neih mek a ni a, retreat hi Rev. V.L. Krosschhuanmawia, Campus Ministry Coordinator, Tv. C. Lalremruata, Outreach Worker leh Counsellor pali ten an neihpui a ni.

□ **Synod Inkhawmpui 2013 Traffic chungchang**

December 2-8, 2013 chhunga Synod Inkhawmpui, Ramhlun North Pastor Bialin Ramhlun North Kohhran Biak Ina an thlen turah motor park-nan Ramhlun Sports Complex field biak fel tawh a ni a, Biak In nen a inhlath deuh avangin palaite motor keng kher lo a, a tam thei ang ber in thlah tir (in drop tir) turin 2013 Synod Inkhawmpui Organising Committee chuan palaite a ngen a ni.

□ **Hruaina Eng FM Radio & TV Programme**

♦ **NOVEMBER 22 (FM Zoawi Aizawl @ 7:30 p.m.) :**

Band : ScapeGoatz - Pasaltha, **Choir :** Dawrpui Pastor Bial Zaipawl - Vanram Mawiah, **Thuchah :** Rev V.L. Kroschhuanmawia - Students Helpline a zawhna tlangpui Part II, **Solo :** Nancy Zothanmawii - A Humhim Ang, **Choir :** Durtlang Presbyterian Kohhran Zaipawl - Isuan A Hneh Ta

Contd...

◆ **NOVEMBER 22 (FM Lunglei @ 7:30 p.m.) :**

Band : ScapeGoatz - Pasaltha, Synod News, **Choir :** Chanmari Kohhran Zaipawl - Ka Thlamuang La, **Thuchah :** Rev V.L Kroschuanmawia - Students Helpline a zawhna tlangpui Part II, **Solo :** Nancy Zothanmawii - A Humhim Ang, **Choir :** Lunglei Presbyterian Choir - Ka Hrethiam Tawh Ang

◆ **NOVEMBER 24 (TV Programme @ 3:00 p.m.) :**

Zaipawl : Venghnuai Bial Zaipawl - Nunna Tui, **Playback :** Nursing School : Oath Taking & Lamp Lighting, **Duet :** RC-a & Zoremi - Sal tang chhuahna dar, **Musical Drama :** Duhthlanna Ruamah (Mission Vengthlang KTP)

□ **Susamachar Prasaran Programme**

NOVEMBER 24 (Pathianni) 5:00 pm. Hindi Gospel Programme (Susamachar Prasaran) :

Group/Choir/Solo : Electric Bial Masihi Sangati Zaipawl, **Group/Choir/Solo :** Republic Veng Masihi Sangati - Dilki, **Sermon :** Rev. P.C. Rohlira - Isu masi papyangko pyar kanewala, **Group/Choir/Solo :** Central PYF Choir - Krus Par, **Stuti Geet :** Bolo Jay Milkar Jay

□ **Moderator Programme**

Synod Moderator Rev. Lalramliana Pachuau chuan hetiang hian hun a hmang ang :

- ◆ November 24 (Pathianni) Chawhnu : Bethani Kohhran
- ◆ November 24 (Pathianni) Zan : Bawngkawn Chhim Veng Kohhran

AIZAWL THEOLOGICAL COLLEGE COLLEGE DAY

PROGRAMME

November 22, 2013, Friday

Public Reception: 12:00 noon – 1:00p.m at A.T.C Canteen square

Formal function:1:00 p.m.

Venue: Centenary Building Quadrangle

Chairman:Rev.Lalramliana Pachuau,Moderator,

Mizoram Presbyterian Church (MPC)

1. Opening Devotion	:	Chairman
2. Congregational Hymn	:	KHB No 585: 'Aw nang, kan Lal,kan Pathian'
3. Welcome & Report	:	Rev.Prof. Vanlalchhuanawma, Principal
4. Group Singing	:	ATA Male Voice
5. Presentation of prizes and Diploma Certificates	:	Rev. Lalzuithanga, Executive Secretary i/c Theological Education, MPC (to be assisted by Rev. Prof. Vanlalnghaka Ralte, Registrar)
6. Anthem	:	College Choir
7. College Day Speaker Address	:	The Rt. Rev. Dr. Nelson Lakra, Moderator – Gossner Evangelical Lutheran Church, Assam & Jharkhand, Chairpersion – Commission on Tribal and Adivasi, NCCI
Theme	:	'Eco-cultural life and building sustainability a theological perspective'
8. Vote of thanks	:	Rev. Prof. C. Lalhlira,Vice Principal
9. Congregational Hymn	:	KHB No. 434: 'Aw Lalpa, Chungnung ber, kan fak hla a che'
10. Benediction	:	Rev. Vanlalzuata, Sr.Executive Secretary, MPC

HRIATTIRNA

Mizoram Legislative Assembly General Election Vawi 8-na, November 25, 2013-a neih turah Synod hnuacia thawktu zawng zawngten tha taka vote kan thlak theih nan Synod hnuacia Office leh Institution zawng zawngte he mi ni tan hian chawlh puan a ni e.

Rev. Lalramliana Pachuau
Moderator

HRIATTIRNA

Synod Hmangaihna In-ah Staff Nurse hna pakhat (1) a ruak a. GNM leh a chunglam chin tan January 10, 2014 thleng dil theih a ni. Diltu chu kum 18 - 35 inkar a ni tur a ni a, dilna chu plain paper-in ziah tur a ni. Dilnaah Kohhran lehkha leh Medical fitness Certificate (Synod Hospital doctor-te pek) leh thiamna Certificate tul angte thil tel tur a ni a, dilna chu Synod Office Asministration department-ah thehluh tur a ni.

Screening Test : **15th January, 2014; 10:00 a.m.**
A hmun : **Synod Committee Room II**

Rev. Vanlalzuata
Senior Executive Secretary